


TEZAUUR LITURGIC

30 APRILIE

**ACATISTUL
SF.APOSTOL
IACOB
AL LUI ZEVEDEU**



MOSCOVA, 2000



Акафист **апостолу ИАКОВУ ЗЕВЕДЕЕВУ**

КОНДАК 1

Изб́ранный Господем за тихость нескверныя ду́ш тво́ея от мре́жей ры́барских на проповедь Евангелія, от ло́вли рыб на уловле́ние человеков, великий апостоле, учениче́ Хрис-тов, сыне гро́мов, моли Еди́наго Истиннаго Человеколю́бца, Его́же ты приискренне возлюбил еси, да помилует нас, ищущих твоего к Нему предста́тельства и зовущих ти:

Радуйся, Иакове, апостоле Христов и молитвенниче о ду́шах наших.

ИКОС 1

Ангельских Сил и всякия твари Творца, Владыку и Господа, восприе́мшаго плоть нашу и я́вльшагося на землѣ спасения нашего ради, узрѣв ходя́ща при мо́ри Галилейстем и взы́вающа тя с братом твоим, Иакове блаженне, в звание апосто́льства, оста́вь мре́жи ры́барския и отца твоего в кора́блѣ, неуклонно

отто́ле последовал еси стопа́м Спаси́телевым.
Сего ради вопием ти си́це:

Радуйся, любви ради ко Христу отца по плоти оставивый.

Радуйся, Христом Небеснаго Отца обретьй.

Радуйся, мир и вся его преле́сти презревый.

Радуйся, Небесная благая в воздаяние получивый.

Радуйся, плоть духу совершенно поработивый.

Радуйся, дух твой Сладчайшему твоему Учителю Иисусу покоривый.

Радуйся, Иакове, апостоле Христов и молитвенниче о душа́х наших.

КОНДАК 2

Всего себе, учениче́ богозр́ачне, манове́нию отда́в Влады́чню, твою мысль по всему просвещшаго и показавшего тя, преблаженне, апостола и честна богогла́сника непостижи́мого Божества, разже́гся еси ревностью о славе Божией, сего ради «сын гро́мов» от Господа наречен был еси, поя Тому: Аллилуия.

ИКОС 2

Якоже Илія́ ревностию разжигаем, поपालити
восхотел еси непоко́ршіяся пропове́данию
Хрис-тову, но возбрани́ тебе Хотя́щий
милосердія, научая кротости благодатней, да
зовем ти:

Радуйся, незлобія рачітелю.

Радуйся, славы Божія ревнителю.

Радуйся, словом изощре́нная избра́нная стрело́.

Радуйся, премудре, ду́ши сопротивных о
камень веры сокруша́яй.

Радуйся, тайнниче, пленя́яй сих коры́сти.

Радуйся, служителю присносу́щныя жизни.

Радуйся, Иакове, апостоле Христов и
молитвенниче о душа́х наших.

КОНДАК 3

Хрис-това Божества силу, сокрытую под
о́блаком немощна́го человеческого естества́,
познал еси явно, егда дочь Иаи́рову Господь
воскреси́, наипаче же сподоби тя со апостолы
Петром и Иоанном сотай́ника быти многих и
преславных чудес. Увѣдев же, яко Христос есть

Бог Истинный, из глубины сердца твоего воззвал еси Ему: Аллилуия.

ИКОС 3

Разумом истинного богопознания озаряя твою душу, шествовал еси вослед Благаго Учителя твоего, поучаяся из уст Его исходящей премудрости, и совершенного ради твоего незлобия возлюблен был еси Христом Господом твоим. Услыши убо ны, воспевающия ти сице:

Радуйся, Истинного Бога служителю.

Радуйся, бесов прогонителю.

Радуйся, мертвецы силою Хрис-товою оживляяй.

Радуйся, тою жизнь и здравие людям возвращаяй.

Радуйся, помраченныя умом к Свету Истины призываяй.

Радуйся, правыя веры просвещением к добродетели настав-ляяй.

Радуйся, Иакове, апостоле Христов и молитвенниче о душах наших.

КОНДАК 4

Заря́ми свѣше наполни́вся и свѣтлостію
Божественною просвети́вся, на Фаво́рстей горе
преобраза́ющагося Зижди́теля и Господа видел
еси и глас с Небесе услышати сподо́бился еси;
темже самови́дец быв и свидѣтель таин Божиих,
вопiał еси Ему: Аллилуия.

ИКОС 4

Свѣтел тя о́блак Слова на Фаво́рстей горе
осени́, облиста́юща славою обоже́нна, блаженне
Иако-ве, и глас слышати Отеческий сподобился
еси, извествуй́ Того Сыновство́; сего ради зовем
ти:

Радуйся, познанием Су́щаго и Иже бе и
Грядущаго превозше́дый естество́ человеческое.

Радуйся, вместилище таинств, невместимых
человеческим умом, бы́вый.

Радуйся, неизрече́нныя Божия откровения
узрэ́вый.

Радуйся, сия́ верным препода́вый.

Радуйся, радости святых еще в жизни сей
позна́вый.

Радуйся, о́ными ныне в преизбы́точествии наслажда́йся.

Радуйся, Иакове, апостоле Христов и молитвенниче о душа́х наших.

КОНДАК 5

Егда нас ради Владыка восприя́ти восхоте́ умервщле́ние, яко вину́ истиннаго мертвых воскресения, в ночь, в ню́же преда́шеся, со апостолы Петром и Иоанном взят тя соде́тельница, блаженне, яко мудра тайнника, зывающа: Аллилуия.

ИКОС 5

Имея ве́лие дерзновение к возлюбившему тя Христу, Сыну Божию, сподобился еси обетования пити чашу Хрис-тову и Его крещением креститься. Сего ради вопием ти:

Радуйся, ближний Хрис-тов учениче́.

Радуйся, прі́сный Его дру́же.

Радуйся, дерзновение ко Спасителю имевый.

Радуйся, чаши и крещения Его причастниче.

Радуйся, словеса́ Господня, якоже сокровище многоценное, в сердце своем слага́вый.

Радуйся, от честна́го ли́ка двана́десятих ученик
пе́рвее убиенный.

Радуйся, Иакове, апостоле Христов и
молитвенниче о душа́х наших.

КОНДАК 6

Буря ярости иудейския пригвозди́ ко Кресту
Христа Бога, волею пострадати за вся люди
изво́лившаго, но не поколеба́ веры и упования
твоего, Иакове блаженне, яко Той есть
Спаситель мира — Христос, дре́вле прорече́нный
пророки во искупление па́дшаго человечества.
Удивляясь же крайнему милосердию и
долготерпению Божию, взывал еси к
Нему: Аллилуия.

ИКОС 6

Слышав Божественный глас Христа
Жизнодавца, тридне́вно воскресшаго от
мертвых и двéрем затворённым вшедшаго ко
учеником Своим и «Мир вам!» — ре́кшаго,
Иакове богоносне, зело́ возрадовался еси и Тому
яко Богу благоговейно поклонился еси, всем

возвеща́я немóлчно непрелóжную истину́ Его воскресения́. О сем и мы хвалебно́ тебе зовем:

Радуйся, мир Хрис-тов в непорочный́ сосуд ду́ш твоя́ достойно́ прие́мый.

Радуйся, миром́ тем мира́ концы́ благодатно́ умиротворíвый.

Радуйся, дрéвняя вражды́ идолослужíteльныя потреби́телю.

Радуйся, истины́ воскресения́ Хрис-това очеви́дный и громогласный́ свиде́телю.

Радуйся, двéрем затворéнным дивно́ прошедша́го Христа́ созерцателю́.

Радуйся, пребожественна́го и радостотво́рнаго гласа́ Его слышателю́.

Радуйся, Иакове, апосто́ле Христов и молитвенниче́ о душа́х наших.

КОНДАК 7

Боготечное́ на Небо́ вознесение́ Хрис-тово́ виде́в и Ду́ха Свята́го, от Него́ ниспо́сланнаго во о́гненныхъ язы́цах, сопричастникъ быв, Иакове́ прехвальне, духоно́сецъ божественный́ соде́лался еси́ и, облече́нный́ силою́ свы́ше, поте́кл еси́ на пропове́дь Евангельскую́, возвеща́я людемъ, во

мра́це неверия́ бывшим, Христа́ Бога спасительный свет и веру в Него́ правую, да зовут Ему́: Аллилу́ия.

ИКОС 7

Духовное сия́ние в виде о́гненне снѣде на тя и Божественное приятелище тя соде́ла, крепко безбожия́ тьму отгоня́юща и мир просвеща́юща свѣтлостію премудрых словес твоих; сего ради зовем ти:

Радуйся, яко зарею Боговидѣ́нія ду́ши осиява́еши.

Радуйся, яко блиста́нии проповѣ́дания спя́щия во тьме неведе́ния просвещаеши.

Радуйся, яко из глубины́ су́етства человеки извлекаеши.

Радуйся, яко тех верою ко Хрис-ту обращаеши.

Радуйся, яко овец Хрис-товых во двор Отчий приво́диши.

Радуйся, яко тамо на па́житях ту́чных их питаеши.

Радуйся, Иакове, апостоле Христов и молитвенниче о душа́х наших.

КОНДАК 8

Житие чéстно и пречúдно пожíл еси, Иакове, сего ради Владыка Своего богáтнаго и честна́го да́няня обрет ты́ сосуд, вмес-тя́щ обíлие дарований, ими́же просвещаеши ду́ши, любви́ю приступаю́щия и вопи́ющия Богу, вся во благо́е устроя́ющему: Аллилу́ия.

ИКОС 8

Весь исполнен б́ыв любви́ Божественны́я, явился еси́ вмес-ти́лище дарóв Святаго́ Духа, недужны́я исцеля́я, прокаже́нны́я очища́я, мертвы́я воскреша́я, покая́ние, вводя́щее в жизнь вечную, проповеду́я; сего ради́ приими́ убо́ от нас, грешны́х, похвалы́ сицевы́я:

Радуйся, благодати́ Божия́ вмес-ти́лище.

Радуйся, Духа́ Святаго́ обита́лище.

Радуйся, чудото́чная реко́ цельбоно́сных в боле́знях си́лы.

Радуйся, источни́че наставле́ний, приводя́щий к познанию́ правы́я веры́.

Радуйся, кова́рства лукаваго́ сатаны́ обли́чаяй.

Радуйся, верны́я от ко́зней его́ защи́щай.

Радуйся, Иакове, апостоле Христов и
молитвенниче о душа́х наших.

КОНДАК 9

Свыше разже́гшее дыха́ние ну́жд-ное
Уте́-ши-те-ля я́ве по-ка-за́ тя му́д-ра
бо-го-гла́с-ни-ка, ви-ти́й-ству-ю-ща величия
вопло́щшагося Слова, Егоже и самови́дец был
еси, вы́ну вопия: Аллилуия.

ИКОС 9

Вити́йство мудрости челове́чес-кия и
прельще́ние неверных обличил еси и многия от
них к вере Хрис-тове привел еси; ти́и же, от
греха ко спасению обратившеся, немóлчно
взываху:

Радуйся, служителю присносу́щныя жизни.

Радуйся, трубо́, возвестившая миру
Предвечнаго и Безнача́льнаго Бога.

Радуйся, челове́чество и Божество Хрис-тово
нам изьясняяй.

Радуйся, дивная словеса́ и наставления
Господня нам возве-щайяй.

Радуйся, любви де́лом и истиною нас научаяй.

Радуйся, пребывающим в любви пребывание в них Бога обещавай.

Радуйся, Иакове, апостоле Христов и молитвенниче о душах наших.

КОНДАК 10

Крепчайше грома явися твое проповѣдание, Христа бо возгремѣл еси вселенней всей Бога, Содѣтеля и Избавителя; волхва Гермóгена с учеником его Филітом вразумил еси, да познают Единого Триипостáснаго Бога, вопиюще Ему: Аллилуия.

ИКОС 10

Новая чудеса показал еси, Иако-ве, егда окле-ве-та́в-ший тя Иосі́я во Христа уверовал еси и, умерщв-ля́-ем за имя Хрис-тово, мученичес-ким венцем укра-сі́л-ся еси, взывающе тебе:

Радуйся, смирению и кротости нас научаяй.

Радуйся, сатанинския дѹхи от человек изгоняяй.

Радуйся, чудесы́ твоими неверую-щия обращаяй.

Радуйся, учением твоим верныя во истинней вере утверждаяй.

Радуйся, Небесными тучами душевныя бразды напаяяй.

Радуйся, плодоносны сердца Христу содеваяй.

Радуйся, Иакове, апостоле Христов и молитвенниче о душах наших.

КОНДАК 11

Видети тя злодеи и убийцы, якоже твоего Владыку прежде, не терпяше, убивают тя мечем, подражателя Христу, распятому плотию за человеки: тех бо деяния укоряя, твоего жития предложением обличил еси; темже, богоблаженне, чашу испил еси, якоже обещался еси Владыце, и крещением Сего крестился еси, Емуже ныне усердно зовещи, радуяся: Аллилуия.

ИКОС 11

Егда злочестивый Ирод воздвиже гонение на христианы, тогда и ты, яко усерднаго исповедника имене Хрис-това, на смерть преда-де; светозарная же душа твоя, достигши в меру возраста совершеннаго, познала есть

приближение времени, егда подобает тленному наследити обещанное нетление и смертному обещанное бессмертие. Сего ради смиренно приял еси Божие о тебе изволение и мученическою кончиною земнаго твоего жития зловѣрие Иродово обличил еси. Мы же, ревности твоей о славе Божией дивящися, воспеваем тебе тако:

Радуйся, яко страсти и смерти Учителя твоего поревновал еси.

Радуйся, яко Егоже и славы причастник соделался еси.

Радуйся, по обетованию Того возсѣдый на едином от дванадцати престолов.

Радуйся, творяй на том суд и правду посреде людей Божиих Израиля.

Радуйся, наслаждайся лицезрѣнием Сладчайшаго Иисуса, к Немуже всею душою стремился еси.

Радуйся, от Его милосердия ходатайствуяй нам вся благая.

Радуйся, Иакове, апостоле Христов и молитвенниче о душах наших.

КОНДАК 12

Поюще труды твоя во апостольстве и чудеса и исцеления, яже источа́л еси и источа́еши благодатию Духа Святаго, в тебе обитающего, восхваляем Бога, даровавшего нам тако́ваго путево́дителя, наставляющего нас на путь спасения и милосе́рдующаго о не́мощих наших, и вопием тобою Ему: Аллилуия.

ИКОС 12

Свято прешед твое житие, святых селёния достигл еси, иде́же, радуяся, зриши зарю́ трисия́нную, еяже наслажда́ясь, премудре, певцы твоя, предстояция у святых мощей твоих, испо́лнены веселия и радости покажи́, поющая ти:

Радуйся, благове́стниче веры Хрис-товы усерднейший.

Радуйся, учителю Церкви Хрис-товы изряднейший.

Радуйся, Божественных тайн возвестителю.

Радуйся, святителей образе и мучеников правило.

Радуйся, преподобных помощи и праведных вѣнче.

Радуйся, всех верных, ко твоему заступлению прибегающих, скорый помощниче и покровителю.

Радуйся, Иакове, апостоле Христов и молитвенниче о душах наших.

КОНДАК 13

О преславный и всехвальный апостоле Хрис-тов Иакове, твоим всесильным ходатайством ко Всеблагому твоему Учителю и нашему Владыце и Господу испроси нам вся благая временная и вечная и христианскую кончину жития, да с тобою и со Ангельскими лики в селении праведных воспоем Три-ипостасному Богу: Аллилуия.

(Этот кондак читается трижды, затем икос 1 и кондак 1)

